

Ideas da viadis da scola sisum la Surselva

Autor(en): **Livers, Catrina**

Objekttyp: **Article**

Zeitschrift: **Bündner Schulblatt = Bollettino scolastico grigione = Fegl
scolastic grischun**

Band (Jahr): **73 (2011)**

Heft 2: **Schulreisen in Graubünden**

PDF erstellt am: **30.04.2024**

Persistenter Link: <https://doi.org/10.5169/seals-720219>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Ein Dienst der *ETH-Bibliothek*

ETH Zürich, Rämistrasse 101, 8092 Zürich, Schweiz, www.library.ethz.ch

<http://www.e-periodica.ch>

Ideas da viadis da scola sisum la Surselva

CATRINA LIVERS, DANIS

A Lags alpins sur Mustér

Ault sur Mustér sesanflan plirs lags alpins. Quels lags lein nus visitar sin il proxim viadi. Nus entschevin nies viadi cun prender la pendiculara a Mustér che meina nus a Caischavedra. Tgi che vul sa se capescha era ir a pei tochen Caischavedra. A Caischavedra meina nus in trutg migeivel ensi e suenter 3.3 km arrivein nus gia tier il Lag Serein. Sco quei ch'il num ei perdetga, ei l'aua da quei lag fetg sereina e clara. Nus cuninuein nies viadi tochen tier il Lag Crest Ault, in ideal liug per far ina pausa pli liunga. La descensiu succeda via Alp Run, Clavaniev, Aletta anavos a Mustér. Igl entir viadi cuoza ca. 4 uras. Tgi che ha temps e cundizion avunda sa aunc cuntinuar il viadi naven dil Lag Crest Ault tier il Lag Brit. Dil Lag Brit anora succeda la descensiu sur via Umens, Alp Lumpegnia e Val Sogn Placi. Quella varianta cuoza ca. 5 uras.

B Péz Pazzola – Lag da Tuma

Quei viadi ei in classicher e meina nus tier ina dallas pli enconuschentas attractivitads dalla Surselva; il lag da Tuma, la tgina dil Rein. Nus entschevin nies viadi sin in Pass Alpsu. All'entschatta mein nus aunc sin il Péz Pazzola. Dil Péz Pazzola anora savein nus guder la grondiusa survesta sin l'entira Val Tujetsch sco era la Val d'Ursera. Il trutg che meina sil Péz Pazzola ei pauc prigulus ed ei adattaus per affons. Nus cuninuein nies viadi via Fil da Tuma tochen tier la camona Badus. Da leu va ei buca lunsch pli tochen tier il Lag da Tuma, in liug ideal per far ina pausa pli liunga e frestgentar ils peis en l'aua. Quell'aua che ha aunc in viadi da 1320 km avon ella tochen ch'ella arriva en la mar. Dil Lag da Tuma turnein nus puspei anavos sin il Pass Alpsu. Igl entir viadi cuoza biabein 3 uras e mesa.

C Bostg

Nus entschevin nies viadi a Mompé Tujetsch. Nus spetga in viadi da circa duas uras sur vias naturalas e trutgs tochen sin il Bostg. Il Bostg ei in punct cun ina survesta unica e cun ses strusch 2000 m. s. m. gia baul terreins la primavera. Il zercladur para il Bostg d'esser cuvretgs d'ina cozza cotschna da strieunas che flureschan. In liug nua ch'ils scolars e scolarets san termagliar senza pli gronds prighels. Il viadi sil Bostg e return cuoza strusch 3 uras. Mompé Tujetsch ei bein cuntonschibel cun auto ni cun tren.

D Lag Blau, Val Medel

Nus entschevin nies viadi sil Pass Lucmagn. Nus prendin il trutg che meina nus sper la riva dil Lag da Sontga Maria. Suenter biabein 1.5 km mein nus seniester en la Val Rondadura. Nus spetgan aunc 470 meters d'altezia e bein enqual dutg apelin che nus vein da traversar. Buns calzers ein d'avantatg. Il trutg meina regular ad ault aschia che l'entira ascensiu para buca dad esser fetg strentga. Suenter 2 uras arrivein nus tier il Lag Blau. Sco il num di gia, para l'aua dil lag dad esser fetg blaua. Per turnar prendin nus puspei il medem trutg. Igl entir viadi cuoza circa 3 uras. Quei ei ina tura cuorta, meins strentga mo che porscha tuttina ina cuntrada alpina.



Lag da Tuma